



Staten van Aruba

Presidente di Staten di Aruba
Drs. R.A. Lee

Oranjestad, 8 di maart 2010

Adjunto preguntanan dirigi na Minister encarga cu Husticia y Educashon, mediante
Presidente di Staten di Aruba.

Atentamente,


Mr. A.C.G. Bikker
Fractievoorzitter P.D.R.

STATEN VAN ARUBA	
Ingek.	08 MAART 2010
Volgnr.	15/506/09-10
Par.	

Oranjestad, 8 di maart 2010

Preguntanan di mr. A.C.G. Bikker na Su Excelencia Minister encarga cu Husticia y Educashon, a base di articulo III.17 di Staatsregeling y articulo 59 di RvO.

Considerando:

1. Cu ta un hecho cu un gran cantidad di donjo di auto aki na Aruba tin e glasnan di nan auto getint pa motibonan sano y valido;
2. Cu recientemente tin hopi reclamo ta bin for di pueblo, cu aparentemente a cuminsa parti boet pa esnan cu tin nan glasnan di auto getint, asina mes cu e decreto cu ta reglamenta glas getint na aña 2006 a wordo declara dor di Ministerio Publico di no ta suficientemente specifico pa por aplica y esaki ainda no a wordo drecha;
3. Cu e “maneho” di 7 di mei 2009 cu DTI a proclama pa cu glas getint ora di keur auto no tin base legal, ja cu DTI, cu tur respet, no tin autoridad pa cambia un decreto; e “maneho” hasta ta bay mas leuw cu e decreto, dor di stipula un prohibicion entrante 1 di juli 2009 pa cu tint scur riba glasnan y windshield di patras, cual en todo caso no ta para ningun caminda den e decreto cu ta publica riba www.overheid.aw;
4. Cu e “maneho” cu DTI a proclama en todo caso ta demasiado estricto, ja cu practicamente ningun tipo di tint ta pasa e test. Hopi ciudadano ta hayanan e ora den un incertidumbre ora cu nan ta bay keur auto y a para bira cu simplemente ta rancia tint pa keur y bolbe tint e glasnan bek pa preveni por ehempel cancer di cuero y proteha e interior di nan auto contra rayonan solar y ladronia;
5. Cu en todo caso tin un grupo grandi di ciudadano cu ta sufri di of por haya enfermedad di cuero y mester di proteccion contra rayonan solar, cual grupo no ta wordo tuma den consideracion;
6. Cu varios dienstwagen ta core rond cu glas getint scur, cual ta trece cune cu pueblo no sa mas kiko ta aplicabel riba e tema di glasnan di auto getint;
7. Cu di banda di Democracia Real hopi esfuerso a wordo haci a peticion di pueblo pa por a trece claridad riba e tema dor di diferente casonan di prueba y un pre-concepto di ley cu a wordo entrega na e Minister di Husticia anterior.

A yega na e siguiente pregunta:

Su Excelencia por indica ki dia ta bay actualisa e decreto concerni na un forma mas specifico y cu ta pas mas cu e realidad di bida diario aki na Aruba pa cu glasnan getint, ja cu nos ta biba den un estado di derecho caminda cu leynan mester ta claro y defini (“voorzienbaarheid c.q. rechtszekerheid”), y ta wordo emiti pa e autoridad cu ta competente segun leynan aplicabel pa por adapta ley of decreto.

Ta spera di por haya contesta riba e pregunta por escrito mas pronto cu ta posibel.

Atentamente,



Mr. A.C.G. Bikker